



Inatsisartunut ilaasortaq Harald Bianco, Inuit Ataqtigiit
MAANI

**§ 37 naapertorlugu apeqquteqaammut 2013-12-imut, Tunumi aatsitassat,
akissuteqaat**

30. januar 2013
Sagsnr. 2013-080134
Dok. Nr.

Tunumi aatsitassanut tunngatillugu apeqqutit assigiinngitsut makkua, Inatsisartut suleriaasianni § 37 imm. 1 naapertorlugu Naalakkersuisunut saqqummiuppatit.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

Apeqqutit:

1. Piffimmi (nunatami) maani Tunu-mi aatsitassanik sukumiisumik misissuineq qanga aallartippa?
2. Qanoq sivilutigisumik ingerlanneqarpa?
3. Aamma misissuineq kikkunnit ingerlanneqarpa?

Tunngavilersuut:

Naluneqanngitsutut Kangerlussuarmi (Tunumi) Tasiilap Ittoqqortoormiullu akornanniittumi aatsitassaqaarpoq, ingammik guld-eqarfearluni.

1960-ip naajartorerani Tasiilamiit nunaqarfittaaniillu Kangerlussuarmut piniariartartut oqaluttuarterattuut, taamanikkut taqqavani ujaqqanik umiarsuit atorlugit annertuunik annissuisoqartarsimavoq. Oqaluttuarteritama oqaatigivaa, tuluk (Englænder) suliaqartartuusimasoq norskinik umiarsuarterluni. Ukiuni arlalinni aasakkut qaammatit pingasut ingerlaneranni annissuineq ingerlasarsimavoq. Ingammik ujarak qorsuk annertuumik annissorqartarsimavoq, nunaminertarujussuit piiarneqartarsimallutik.


Akissuteqaat:

- 1) Skærgaard intrusionen Kangerlussuup eqqaaniittoq nunap sannaani taartuni (mafiske intrusioner) qaleriaani ilisimaneqarnerpaanut ilaavoq aammalu 1939-imili ilisimatusarnikkut ilisimasassarsiorfigineqartarsimalluni. Tunumi ilisimasassarsiornerit siulliit misissuinertut aammalu nunap assiliornerit taaneqarsinnaasut tassaapput Lauge Koch-ip 30-ikkunniit tamatuma kingornani ilisimasassarsiorneri, 50-ikkunni Mestersvig-imi aqerlussarsiorfimmik ammaanermik kinguneqartut. Nordisk Mineselskab Tunup qiterpasissuata annertunersaani ingerlatsinissamut akuersissummik pissarsivoq aammalu 1952-imiit 1984-imut arlalippassuarnik misissuilluni ilisimasassarsiorluni.
- 2) Apeqquteqaammi tunngavilersuutaasumi ingerlataq taaneqartoq 1965 – 1966-imi ingerlanneqarpoq. Tassani professor D.A. Deer, Cambridge Universitet-imeersoq ilisimatusarnikkut ilisimasassarsioruuvoq. Piffissami tassani ujarak kanngussammik qorsummik qalipaartoq (malakit) nassaarineqarpoq. Ujarak taanna kanngussam-

mik 300 ppm-imik akoqarpoq aammalu aningaasaqarnikkut naleqarani.

- 3) Nordisk Mineselskab 1952-imiit 1984-imut aatsitassanik misissuinnermut tunngatillugu pingaarnertut suliaqartuuvoq, tassani ukiumi siullermili molybdæn-eqarfik Maqqagai sumiissusersineqarluni. Peqarfik taanna kingosinnerusukkut AMAX-imit Nordisk Mineselskab peqatigalugu misissorneqarpoq. Maqqagai ullumikkut piaanissamut akuersissummik KGHM-imit pigineqartumik peqarfigineqarpoq. Skærgaard-ip sumiiffiani Platinova ingerlatseqatigiiffinnut Skærgaarden-imi pisinnaatitsissummik peqartunut siullernut ilaavoq. Aatsitasat erlinnartut kuulti, palladium aamma platin aatsaat 80-ikkunni nassaarineqarput aammalu piffissami apeqquteqartup apeqquteqaammini oqaatigisaani ilisimaneqaratik.

Inussiarnersumik inuulluaqqusillunga



Ove Karl Berthelsen